

UUT'T OLDE VODDEN

Sneeklökskus, de nakend eersjes,
tBleümken kump zo vrög al lös,
Liekt iets op witte keersjes
Stoat zo mooi door tussen' tgrös!
Merakel vrög könt ze dr al wèen,
Dörm de name de eersten,
Wieter ist nakend, zo ze zèen,
Klökskus zöltal beheersen.
Zon vrögge blöème ummers gif
Mense tgeveul twod weer niej,
tIs of ut de winter af-schrijf,
Dat maakt iederéne bliej!

Binnenkot zeej d'elzekatjes
En ok de wilgoesjes,
Ut bunt zo ze zek schatjes,
Andren proat van snoesjes!
tIs neet enkel 'tmooi en fris
Moor ie heb noe ech ut idee
Dat noew toch ten ende is
De winterse vos en snee!
Alles begint weer te greujen,
Ut gewone veurjoors-gebeurn,
Straks zölt völ bloème bleujen
Ollemòol in slim mooie kleurn!

De hazen goat al weer vechten,
Rent achter mekare an,
Ze zölt minne-niéd beslechten
Zo ast heurt in 't hazepian.

De eksters biet eers mekare,
Iej zeet't; en heurt't gebeurn
Dat ze schettert as 'nfanfare,
Het schient ter bieje te heurn.
Toch al noa kotte tied
Kömt ter door twee bie mekaar
En dan bunt dee zo ai ziet
Veur de ekster-wet een paar.
tIs af elopen'tmekeer pikken
In de weie door int grös,
Ze zeukt noew neerug sprikken

Veur tbouwen van eur nös.
In een hoge eike mees
Zölt ze'tnös bouwen goan,
Altied volgens'n vaste lees
Heb de eksters dat edoan.

nEksternös is'n appart gezich
Groot; ie zeet'tal van heel wied
En ze maakt ut van böven dich,
Een kleine ingang kump opzied.
Wörm bunt ze op'n dak vezot?
kWet't neet moor'kgleuve vaste
Umdat ze zelf neet bunt zo'tmot
Vetrouwt ze ok neet eur gaste!
Want de ekster dee rooft niet
Alléne kuukentjes bie de boern,
Moor as ze de kans schoon ziet
Ok'nvogelnös leög bie toern.
Wellichte bunt ze bange wat
En zorgt ze dus int veurn
Wat zee andren andoot, dat
Dat eur-zelf neet kan gebeurn!

Dörm door böven op een dak,
Zó velut ze tnös veilug pas,
Ze maakten ut stevug en strak
Wat elk jaar völ werk weer was.
Ze bunt vrög met'tnös begonnen,
As de beüme nog zunt kaal,
Andre veugle ut af-ewonnen,
Dee vindt zo vrög fataal!
Want as alles nog zo kaal is
Is eur nös zo goed te zèen!
Dat vindt dee heelmòol mis,
Zodat zee't wat later deen.

Wat veral disse tied opvölt,
(Echte veurjoors-vlammetjes)
Is ut daj noew zèen zölt
De schoape heb noe lammetjes!
Jonge schòapkes, kwet neet wat
Of ik nog mooier hier vin,

Zo mooi wit, soms ok wel zwat
Ie veult ech een niej begin!
Leeve beesjes, zachte en mooi,
Doorveur buj toch ontvankeluk!
Ze huppelt um de olde ooi,
Doorvan bliëft ze afhankeluk.

Wat ut veurjaar ons hier breg
Köj met gin penne beschriëven!
Al dat mooie mag neet weg
Louw hop'n dat'tzo zal bliëven!
Ome Jehan